


1608_232v.jpg



Le Mercure François, ou,

1608.


*L'Archiduc
Matthias ar-
rive à Pres-
bourg où se te-
noient les
Estats de
Hongrie.*

mort de leur mere, ce qui fut l'occasion qu'ils s'en allerent de compagnie à Grets.


Pendant que ceste Diette se tenoit, l'Archiduc Matthias desseignoit les moyens comme il pourroit vnir & se rendre Souuerain de l'Austrie, Stirie, Moraue, & de tout ce que les Chrestiens tenoient en la Hongrie: Il auoit faict tenir les Estats d'Austrie à Vienne, comme nous auôs dit l'an passé. Au commencement de ceste année, il s'achemina à Presbourg pour assister aux Estats de Hongrie, qu'il y auoit indiçts, & là où il arriua le quinzième Ianuier, avec cent chariots, & deux cents cheuaux: Napragi Euesque de Iauarin, & tous les Seigneurs de Hongrie qui y estoient furent au deuant de luy le receuoir, à son arriuee tout le canon tira par trois fois, & à toute la ville parut estre ioyeuse de sa venue. Le lendemain le Cardinal Archeuesque de Gran avec vne belle compagnie de Seigneurs y arriua aussi, & fut conduit droit au chasteau où estoit logé l'Archiduc. Helie Haski s'y rendit avec douze chariots, dans lesquels estoient plusieurs Deputez de la haute Hongrie, & fut conduit iusques à son logis marchant deuant luy cent harquebusiers, & quarante cheuaux: car il renuoya le reste de sa conduite qui estoient bien trois cents cavaliers.

Le vingt-troisième Ianuier l'ouuerture des Estats se fit, & estant entrez les iours suiuaus en matiere, ledit Cardinal & les Ecclesiastiques vouloient que les articles accordez à Vienne pour la Paix fussent moderez: à quoy Helie Haski


1608_233r.jpg




1608_233v.jpg



1608_234r.jpg



1608_234v.jpg



1608.

*Gabriel
Battory
Prince de
Transilua-
nie.*

*L'Archiduc
Mathias as
semble une
armee sur les
confins de la
Morauie.*

*L'Empereur
enuoya le
Cardinal de
Ditrichstein
vers l'Ar-
chiduc à
Vienne.*


Le Mercure François, ou,

du Bascha de Bude vint à Nevheusel, ou plusieurs difficultez suruenues sur les articles de paix furent terminees. Gabriel Battory vray heritier des Princes de la Transylvanie qui s'estoit retiré vers le Turc fut remis en sa principauté. Et Sigismond Ragotsi, qui auoit esté esleu apres la mort de Botskay la luy ceda, se retirant à Sarente, asseurant par lettres Battory, qu'il n'auoit accepté l'ellection que l'on auoit faicte de sa personne, que pour empêcher les troubles entre les Grands qui pretendoient d'vsurper & troubler ceste principauté.


L'Archiduc voyant que tout luy succedoit à son souhait, fait publier le dernier de Mars un mandement à ce que toutes ses troupes tant d'Hongrie, d'Austriche, que des Heiducques nouvellement réunis, eussent à se rendre dans le quatorzième d'Auril sur les frontieres de Morauie.

Au commencement d'Auril sur l'aduis qu'auoit eu l'Empereur de ces leuements d'armes, (que l'on disoit estre, pource que sa M. Imperiale ne vouloit ratifier le traicté de Paix faict à Vienne) il enuoya le Cardinal de Ditrichstein vers l'Archiduc, lequel luy porta la ratification de tout ce qui auoit esté traicté tant avec le Turc qu'avec les Seigneurs de Hôgrie: Mais avec ceste clause, qu'il vouloit que la ligue offensive & deffensive faicte entre les Estats de Hongrie, & ceux d'Austriche à Presburg, fust rompuë: A quoy l'Archiduc respondit que cela ne se pouuoit faire; & sur quelques demandes il renuoya ledit Cardinal, lequel ayant


1608_235r.jpg




1608_235v.jpg



1608_236r.jpg



1608_236v.jpg



1608_237r.jpg



Image issue du site mercurefrancois.ehess.fr - Cliché (c) Cécile Soudan